

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

মঙ্গলবার, ফেব্রুয়ারি ২৭, ২০১৮

গণপ্রজাতন্ত্রী বাংলাদেশ সরকার
শ্রম ও কর্মসংস্থান মন্ত্রণালয়
অধিশাখা-৬

প্রজ্ঞাপন

তারিখ : ০৮ ফাল্গুন ১৪২৪ বঙ্গাব্দ/২০ ফেব্রুয়ারি ২০১৮ খ্রিস্টাব্দ

এস. আর. ও. নং ৬৪-আইন/২০১৮।—বাংলাদেশ শ্রম আইন, ২০০৬ (২০০৬ সনের ৪২ নং আইন) এর ধারা ১৪০ এর উপ-ধারা (১) এ প্রদত্ত ক্ষমতাবলে সরকার উক্ত আইনের ধারা ১৩৯ এর অধীন ‘ট্যানারী’ শিল্প সেক্টরের, অতঃপর উক্ত সেক্টর বলিয়া উল্লিখিত, শ্রমিক ও কর্মচারীগণের জন্য নিম্নে উল্লিখিত শর্তসাপেক্ষে, নিম্নতম মজুরী বোর্ড কর্তৃক সুপারিশকৃত, নিম্নের তফসিলে বর্ণিত মজুরীর হারকে, উক্ত সেক্টরের শ্রমিক ও কর্মচারীগণের জন্য নিম্নতম মজুরীর হার হিসাবে এতদ্বারা ঘোষণা করিল, যথা :—

“তফসিল

শ্রমিকগণের মাসিক মজুরী হার

ক্রমিক নং	শ্রমিক পদবিন্যাস ও শ্রেণি বিভাগ	এলাকা	মূল মজুরী (টাকা)	বাড়ী ভাড়া ভাতা (টাকা)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরী (টাকা)
(১)	(২)	(৩)	(৪)	(৫)	(৬)	(৭)	(৮)
১।	গ্রেড-১: ১। সিলেক্টর বা স্কীন সিলেক্টর/হ্যান্ড মেজারার; ২। মিক্সি (বৈদ্যুতিক ও মেশিন মেরামত); ৩। হ্যান্ড ফ্রেসারম্যান (গরুর চামড়া); ৪। শেভার (১২"-১৮") মেকানিক্যাল;	বিভাগীয় শহর ও সাভার এলাকা	১৪০০০	৯৮০০	১০০০	৬০০	২৫৪০০

(২৪১৩)

মূল্য : টাকা ৮.০০

ক্রমিক নং	শ্রমিক পদবিন্যাস ও শ্রেণি বিভাগ	এলাকা	মূল মজুরী (টাকা)	বাড়ী ভাড়া ভাতা (টাকা)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরী (টাকা)
(১)	(২)	(৩)	(৪)	(৫)	(৬)	(৭)	(৮)
	৫। লেদম্যান; ৬। ইলেকট্রিশিয়ান; ৭। ফিটার মিস্ত্রি; ৮। বয়লার অপারেটর; ৯। মেশিন ফ্লেশারম্যান; ১০। ইসপ্লিটিং মেশিনম্যান; ১১। শেভিং মেশিনম্যান; ১২। ড্রাই শেভিং মেশিনম্যান; ১৩। বাফিং মেশিনম্যান (বড়)।	বিভাগীয় শহর ও সাভার এলাকা	১৪০০০	৯৮০০	১০০০	৬০০	২৫৪০০
		অন্যান্য এলাকা	১৪০০০	৮৪০০	১০০০	৬০০	২৪০০০
২।	গ্রেড-২: ১। হ্যান্ড ফ্লেশারম্যান (ছাগল/মহিষের চামড়া); ২। কার্টমিস্ত্রি; ৩। জেনারেটর অপারেটর; ৪। ওয়েল্ডার; ৫। হাইড্রোলিক প্রেসারম্যান; ৬। ড্রামম্যান; ৭। গ্রেজিং মেশিনম্যান; ৮। সেটিং মেশিনম্যান; ৯। ভ্যাকুয়াম ড্রায়ার; ১০। হ্যান্ড স্প্রে।	বিভাগীয় শহর ও সাভার এলাকা	১১৫০০	৮০৫০	১০০০	৬০০	২১১৫০
		অন্যান্য এলাকা	১১৫০০	৬৯০০	১০০০	৬০০	২০০০০
৩।	গ্রেড-৩: ১। রোলার মেশিনম্যান; ২। সেটারম্যান (হ্যান্ড); ৩। সোল পিটম্যান; ৪। স্কাটিংম্যান; ৫। সেমিং মেশিনম্যান (রোটারী);	বিভাগীয় শহর ও সাভার এলাকা	৯৬০০	৬৭২০	১০০০	৬০০	১৭৯২০

ক্রমিক নং	শ্রমিক পদবিন্যাস ও শ্রেণি বিভাগ	এলাকা	মূল মজুরী (টাকা)	বাড়ী ভাড়া ভাতা (টাকা)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরী (টাকা)
(১)	(২)	(৩)	(৪)	(৫)	(৬)	(৭)	(৮)
	৬। পলিশিং মেশিনম্যান; ৭। ঠোকাইমান/টগলম্যান; ৮। পলিশম্যান; ৯। ড্রেসিংম্যান; ১০। মেজারিং মেশিনম্যান (মেকানিক্যাল); ১১। বাফিং মেশিনম্যান (ছেট); ১২। স্ট্যাকারম্যান(জ- স্ট্যাকার); ১৩। ট্রিমিংম্যান/ছাটাকাটা	বিভাগীয় শহর ও সাভার এলাকা	৯৬০০	৬৭২০	১০০০	৬০০	১৭৯২০
	১৪। আইরনিং মেশিনম্যান; ১৫। আনহেয়ারারম্যান; ১৬। রোলার কোটারম্যান; ১৭। ফিনিশিং মেশিনম্যান; ১৮। সহকারী ইসপ্লিটিং মেশিনম্যান; ১৯। জুনিয়র শেডিং মেশিনম্যান; ২০। লিফটম্যান; ২১। জুনিয়র সিলেক্টর; ২২। জুনিয়র বয়লারম্যান; ২৩। জুনিয়র ফ্লেশিং মেশিনম্যান; ২৪। রোটারী স্ট্যাকিং; ২৫। টানেল ড্রায়ার; ২৬। অটো স্প্রে; ২৭। জুনিয়র বাফিং মেশিনম্যান; ২৮। প্যাডেলম্যান।	অন্যান্য এলাকা	৯৬০০	৫৭৬০	১০০০	৬০০	১৬৯৬০

[illegible]

শর্তাবলী :

- ১। তফসিলে উল্লিখিত পদের অতিরিক্ত কোন পদ উক্ত সেক্টরে সংযোজিত হইলে উহা যথাযথ শ্রেণি/গ্রেডে অন্তর্ভুক্ত হইবে;
- ২। এই মজুরী হার সমগ্র বাংলাদেশে উক্ত সেক্টরের জন্য প্রযোজ্য হইবে;
- ৩। তফসিলে উল্লিখিত শ্রমিক বর্তমানে যে গ্রেডে কর্মরত রহিয়াছেন সেই গ্রেডেই তাহাকে স্থলাভিষিক্ত করিয়া তাহার মজুরী নির্ধারণ করিতে হইবে;
- ৪। কোনো শ্রমিকের বর্তমানে প্রাপ্ত মজুরীর সহিত এই প্রজ্ঞাপনে উল্লিখিত মজুরী যোগ করিয়া নূতনভাবে মজুরী নির্ধারণ করিতে হইবে;
- ৫। এই প্রজ্ঞাপন জারির সঙ্গে সঙ্গে উক্ত সেক্টরের মালিকগণ তফসিলে উল্লিখিত পদবিন্যাসে ও শ্রেণি বিভাগ অনুযায়ী শ্রমিক ও কর্মচারীগণকে যথাযথ গ্রেডে সন্নিবেশিত করিয়া মজুরী রেজিস্টারভুক্তকরত মজুরী স্লিপ প্রদান করিবেন।
- ৬। কোনো শ্রমিক বা কর্মচারীকে তফসিলে উল্লিখিত নিম্নতম মজুরী অপেক্ষা কম মজুরী প্রদান করা যাইবে না;
- ৭। উক্ত সেক্টরের কোনো শ্রমিক বা কর্মচারীকে এই প্রজ্ঞাপন অনুযায়ী নির্ধারিত নিম্নতম মজুরী অপেক্ষা অধিক হারে মজুরী প্রদান করা হইলে উহা কোনোক্রমেই হ্রাস করা যাইবে না;
- ৮। উক্ত সেক্টরের শ্রমিক বা কর্মচারীগণ এবং নিয়োগকর্তা বা মালিকপক্ষের মধ্যে সম্পাদিত চুক্তি অনুযায়ী কোনো শ্রমিক বা কর্মচারীকে এই প্রজ্ঞাপন অনুযায়ী নির্ধারিত হারের অধিক হারে মজুরী নির্ধারণ ও প্রদান করা যাইবে;
- ৯। কোনো শ্রমিক ঠিকাদারের মাধ্যমে উক্ত সেক্টরে নিয়োজিত হইয়া মজুরী প্রাপ্ত হইলে তিনিও বাংলাদেশ শ্রম আইন, ২০০৬ এর ধারা ২(৬৫) অনুযায়ী “শ্রমিক” হিসাবে গণ্য হইবেন। কোনো ঠিকাদার কোনো শ্রমিককে নির্ধারিত নিম্নতম মজুরী অপেক্ষা কোনক্রমেই কম মজুরী প্রদান করিতে পারিবেন না। উক্ত সেক্টরে কোনো শ্রমিকের ঠিকাদারের নিকট হইতে প্রাপ্য মজুরী প্রাপ্তির ক্ষেত্রে কোনো সমস্যার সম্মুখীন হইলে তাহার দায়-দায়িত্ব সম্পূর্ণভাবে সংশ্লিষ্ট মালিকের উপর বর্তাইবে;
- ১০। উক্ত সেক্টরে শ্রমিক সরবরাহ বা নিয়োগের জন্য নিয়োজিত ঠিকাদার বাংলাদেশ শ্রম আইন, ২০০৬ এর ধারা ১২১, ধারা ১৫০ এবং ধারা ১৬১ এর বিধান অনুযায়ী উক্ত সেক্টরের মালিকের ন্যায় একইরূপ ব্যবস্থা গ্রহণ করিবেন;
- ১১। উক্ত সেক্টরের মালিক যদি কোনো শ্রমিককে ফুরন ভিত্তিক (Piece Rate) মজুরী প্রদান করিয়া থাকেন তাহা হইলে এই প্রজ্ঞাপন জারির সঙ্গে সঙ্গে উক্ত শ্রমিককে নির্দিষ্ট গ্রেডভুক্ত করিয়া নির্ধারিত নিম্নতম মজুরী প্রদান করিতে হইবে;

- ১২। নির্ধারিত নিম্নতম মজুরী ও ভাতাদি ছাড়াও যদি উক্ত সেক্টরের কোনো শ্রমিক ও কর্মচারী অব্যাহতভাবে কোনো অধিকার, সুযোগ-সুবিধা ও ভাতা পাইয়া থাকেন তাহা বাংলাদেশ শ্রম আইন, ২০০৬ এর ধারা ২(১০), ধারা ১০৮ এবং ধারা ৩৩৬ এর বিধান মোতাবেক ধারাবাহিকভাবে বলবৎ, অব্যাহত থাকিবে;
- ১৩। উক্ত সেক্টরের শ্রমিকগণ এই প্রজ্ঞাপন গেজেটে প্রকাশের তারিখ হইতে প্রতি বৎসর মূল মজুরীর ৫% (শতকরা পাঁচ ভাগ হারে) বার্ষিক মজুরী বৃদ্ধির সুবিধা পাইবেন এবং সংশ্লিষ্ট মালিক উহা প্রদান করিতে বাধ্য থাকিবেন;
- ১৪। উক্ত সেক্টরে নিযুক্ত শ্রমিক বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সংশ্লিষ্ট বিধান অনুযায়ী অন্যান্য ভাতা ও সুবিধাদি প্রাপ্য হইবেন;
- ১৫। উক্ত সেক্টরের মালিকগণ যদি শ্রমিকগণের পরিবারের জন্য আবাসন সুবিধা প্রদান করিয়া থাকেন তাহা হইলে সেইক্ষেত্রে উক্ত আবাসন সুবিধা গ্রহণকারী শ্রমিকগণের জন্য বাড়ী ভাড়া ভাতা প্রযোজ্য হইবে না; এবং
- ১৬। উপরোক্ত শর্তাবলীর কোন অংশ প্রচলিত কোনো আইন বা বিধিমানার সহিত সাংঘর্ষিক হইলে, উক্ত অংশ বাতিল বলিয়া গণ্য হইবে।

রাষ্ট্রপতির আদেশক্রমে

এ.টি.এম সাইফুল ইসলাম
উপসচিব।